



**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Art. 9. Vtrum fides ministri sit de necessitate Sacramenti.

---

[urn:nbn:de:hbz:466:1-72898](#)

## ARTICVLVS IX.

*Vtrum fides Ministri sit de necessitate Sacramenti?*

24  
Sententia  
Hæretica  
affirmatur,

Catholica  
negat.

Primus qui docuit fidem necessariam ad Sacramenti perfectionem, videtur fuisse Agrippinus Carthaginensis Episcopus ante tempora Cypriani; quem fecutus est postea Cyprianus, & plurimi Africae Episcopi. Pro qua sententia stabiliter Cyprianus coegerit tres Synodos in Africa, quarum meminit D. August. lib. 2. de Baptismo. cap. 9. & lib. 3. cap. 1. Idem postea cum pertinacia tenuere Donatistæ, & alij artic. 5. citati.

Verum fide tenendum est, Baptismum ab hæreticis collatum, & alia Sacraenta, si nihil ex necessarijs desit, legitima esse. Hanc veritatem admittunt hæretici nostri temporis.

Probatur Primò, Ex vniuersalib[us] Ecclesiæ traditione, & consuetudine, que ubique usque ad tempora Agrippini perseveravit, qui primus cœpit illam mutare, baptizatos ab hæreticis rebaptizans: vt docet Stephanus Papa epist. ad Cyprianum; & D. Augustinus lib. 2. de Baptismo contra Donatistas cap. 8. & Vincentius Lirinensis in suo Opusculo, ubi ait, *Primus omnium mortalium (scilicet Agrippinus) contra diuinum Canonem, contra vniuersalib[us] Ecclesiæ regulam, contra sensum omnium concordatum, contra morem & instituta majorum rebaptizandum esse censebat*, scilicet baptizatum ab hæretico.

Probatur Secundò, Ex Concilijs. Nam statim post mortem Cypriani, hæc veritas definita est in Concilio plenario, vt testatur D. August. multis locis, scilicet lib. 2. de Baptismo. cap. 3. 4. 5. 7. 9. quod Concilium videtur fuisse Nicenum, nam etiā Hieronymus in Dialogo cōtra Luciferianos sub finem, dicit Concilium Nicenum recipiſe eos, qui ab heresi redirent, singulos in suo gradu, præter Paulianistas, de quibus habemus in Canone 19. ubi Paulianisti & Cataphryges iubentur rebaptizari, eò quod non vterentur legitima forma. Canone tamen 8. recipiunt Nouatiani absque iteratione baptismi, quia scilicet legitimā formā vtebantur, etiā essent hæretici. Idem probatur ex Concilio Arelatensi I. can. 8. & Carthagi-

nensi I. can. 1. Denique ex Constantiensi scilicet 8. quatenus damnat Articulum 4. Wiclefi. Et ex Tridentino scilicet 7. can. 4.

Probatur Tertiò Rationibus artic. 5. allatis. Ratio. Præcipua ratio est, Quia Sacraenta habent efficaciam ex institutione & meritis Christi; unde parum refert, qualis sit minister, siue fidem habeat siue non. Sicut enim Ministri merita non tribuunt Sacramento virtutem, ita nec de merita admittunt. Vide D. August. tractatu 5. & 6. in Ioannem.

Sed contra. Obiciuntur varia testimonia ex Scripturis, que refert & solvit D. Augustinus scriptem libris contra Donatistas, potissimum duo Extra Eccl. cleiam non cœlum probant, etiā talis, extra Ecclesiam non esse salutem: sicut nec extra & quonodo Arcam Noë, quæ Ecclesia erat figura.

Respondeo, Qui est extra Ecclesiam, non potest salvare, sicut neque extra Arcam: tamen qui est in Ecclesia, fidem Ecclesiæ tenens, potest accipere ea per quæ salvatur, ab eo qui est extra Ecclesiam. Sicut si hæreticus alicui traderet Ecclesiæ doctrinam, illum faceret fidelem: ergo par ratione, si traderet ei Ecclesiæ Sacraenta, faceret Christianum: non enim hæresis in illas functiones influit; sicut nec morbus Medicis in curationes ægroti, quare nec vitiat eas.

Nec obstat; Quod sit unum Baptisma; quia VnumBap. hæretorum Baptisma, est Baptisma Christi. VnumBap. Vnum enim dicitur Baptisma, quia ab uno insti- tuto, & ab uno vīm habet, cuius nomine in una forma & materia celebratur, nec variatur pro meritis Ministrorum. Reliqua testimonia, si quid efficerent, non minùs probarent de Sacra- mentis, quæ conferuntur à malis Catholicis, quām quæ ab hæretici: vnde non minùs contra Cyprianum faciunt, quām pro illo, qui per malos, si fideles sint, sentit conferri vera Sacra- menta.

## ARTICVLVS X.

*Vtrum intentio recta Ministri  
requiratur ad perfectionem  
Sacramentii?*

Hic Articulus intelligitur ex dictis Articulo 8.

## Q V A E S T I O L X V.

De Numero Sacramentorum.

*In Quatuor Articulos divisa.*

## ARTICVLVS I.

*Vtrum debeant esse septem Sacra-  
menta Ecclesia?*

1  
Discrepātia  
Hæretico.  
num

Hæretici huius temporis in eo conuenient quod nolint esse septem Sacramēta; sed discrepant & à seipsis interdum, & alij ab alijs in statuendo numero Sacramentorum. Lutherus de Captiuitate Babyl.

fol. 65. Neganda mihi sunt septem Sacraenta, & pro tempore ponenda tria; Baptismus, Panitentia, Panis. Paulò post fol. 88. rigidè loquendo dicit tantum esse duo, Baptismum & Panem: quia hæc sola constant signis visibilibus, & habent diuinā promissionem. Penitentia autem caret signo visibili diuinū instituto. Alibi, scilicet lib. ad Waldenses, dicit propriè & more Scripturæ loquendo esse tantum unum, scilicet Baptismum. Philipus Melanthon in locis communibus anni 1522. ponit duo tantum, nec plura inueniri dicit apud Ccc iiiij Augusti.